

# 9 Май – Хотира ва Қадрлаш куни



ILM OLMOQQA INTILISH – HAR BIR MUSLIM VA MUSLIMA UCHUN QARZ-U FARZ

# 3-ий ЧАШМАСИ

ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

№ 5 (212) 2013 YIL, MAY ISSN-2010-9393 1993 YIL, 21 MARTDAN CHIQA BOSHLAGAN

Халқимиз ҳаётида чуқур из қолдирадиган бу сана ҳар қайси уйда, ҳар қайси шаҳар ва қишлоқда доимо катта ҳурмат ва эҳтиром билан кутиб олинади. Нега деганда, Ўзбекистон заминида бирорта оила, бирорта хонадон йўқки, унинг тақдири мана шу сана билан боғланмаган бўлса.

Ислом КАРИМОВ

## Китобхонлар конференцияси

Юртбошимиз Ислом Каримов "Ўтганларни эслаш, ҳаёт бўлганларни қадрлаш, Ватанни ҳимоя қилиш, уни дахлсиз сақлаш каби олижаноб фазилатларни ёш авлодимизнинг онгу тафаккурига сингдириш, фарзандларимиз, болаларимизнинг биз киммиз, кимнинг авлодимиз деб, ота-боболаримизнинг жасоратидан ибрат олиб, мана шу мусаффо осмонни, она юртимизнинг биз асрамасак ким асрайди, деган эътиқод билан яшаши, ҳеч шубҳасиз, бугунги ва эртанги ҳаётимиз учун жуда катта аҳамиятга эга" - деган эдилар. Дарҳақиқат, давлатимиз раҳбарининг бу фикрлари мамлакатимизда амалга оширилаётган ёшларга оид давлат сиёсатининг асосий моҳиятини ташкил этади. Зеро, ёшларни она-Ватанга, аждодларимизга нисбатан фахрифтихор, ҳурмат каби фазилатлар, қатъий эътиқод, қарашларга эга бўлган, XXI аср талабларига ҳар томонлама жавоб берадиган соғлом ва баркамол авлод этиб вояга етказиш учун барча шарт-шароит ва имконият яратилгани Президентимиз томонидан юритилаётган оқилона сиёсатнинг натижасидир.

9 Май – Хотира ва қадрлаш куни муносабати билан институтимизда ўтказилган китобхонлар конференциясига давлатимиз раҳбари И.Каримовнинг "Юксак маънавият - энгилмас куч" асари мазмун-моҳиятини талаба-ёшларга замонавий ахборот ва педагогик технологиялар асосида етказиш бош мақсад қилиб олинди.

Институт хотин-қизлар кўмитаси раиси З.Абдувалиева, институт ҳуқуқшуноси Х.Бўриева, ўзбек тили ва адабиёти факультети хотин-қизлар кўмитаси раиси Г.Почаева, тарих факультети 2-босқич талабаси Д.Шералиева, педагогика-психологияси факультети ўқитувчиси Н.Ҳайдарова, бошланғич таълим педагогикаси факультети талабаси Б.Исоқулов ёш авлодининг маънавий оламини бойитиш, талабалар ўртасида муомала, кийиниш маданиятини кўтариш, масалалари ҳақида фикр юритдилар.

Раъно САТТАРОВА

## Хотира кечаси

Хотира ва қадрлаш – инсон ақл-заковатининг бетакрор қирралари, тирикликнинг азалий мезонлари. Ўтганларнинг руҳини шод этиш, уларнинг хайрли ишларини, эл-юрт ва Ватан олдидаги жасоратини ёдга олмақ халқимизга хос эзгу қадриятлардан биридир. Зеро, инсон хотира билан тирик, кадр билан улугдир.

7 май куни институтимиз ёзги спорт мажмуасида институт раҳбарияти, касаба уюшма кўмитаси, "Талаба" спорт клуби ва "Камолот" ЁИХ бошланғич ташкилоти ташаббуси билан 9 Май "Хотира ва қадрлаш куни" га бағишлаб профессор-ўқитувчилар, ходимлар ўртасида футбол, талабалар ўртасида

спортнинг футбол (ўғил болалар), волейбол (қизлар) тури бўйича ўтказилган аънавий хотира турнирининг якуний тадбири бўлиб ўтди.

Тадбирни институт ректори профессор О. М. Дўсматов кириш сўзи билан очди ва институтда ўтган давр мобайнида фаолият юритган марҳум профессор-ўқитувчиларни, ходимларни, марҳум талабаларни хотирлади. Маънавий-маърифий ишлар проректори, доцент А.Тангиров институтда фаолият юритган марҳум профессор-ўқитувчилар, ходимлар ва таҳсил олган марҳум талабалар номларини бирма-бир ўқиб эшиттирди.

"Хотира – улуг қадрият" мавзусида институт оқсоқоллар кенгаши раиси, профессор Х.А.Тўрақулов, "Инсон қадри азиз, ўтганлар хотираси – муқаддас" мавзусида профессор Ф. Ах-

медшина маъруза қилдилар.

Аънавий хотира турнири ғолиблари тақдирландилар.

Мусобақа якунига кўра волейбол бўйича талаба қизлар ўртасида 1-ўрин – педагогика-психология, 2-ўрин – бошланғич таълим педагогикаси, 3-ўрин – ўзбек тили ва адабиёти факультетлари талаба қизларига насиб этди.

Профессор-ўқитувчилар ўртасида ўтказилган футбол баҳсларида эса 1-ўрин – жисмоний тарбия ва жисмоний маданият, 2-ўрин – табиатшунослик ва география, 3-ўрин – тарих факультетлари ўқитувчиларига берилди.

Шунингдек, шахмат устаси деб Юсуф Усмонов, футбол жонкуяри деб Бахтиёр Султонов, волейбол жонкуяри деб Бахтиёр Турғиновларга диплом ва кимматбаҳо совғалар топширилди.

Камола НУЪМОНОВА,  
"Зиё чашмаси" мухбири



2008 йилдан буён ўтказилиб келинаётган "Асрлар садоси" аънавий маданият фестивали 4-5 май кунлари



ри Навоий вилояти, Навбахор туманидаги Сармишсой кўриқхона-музеи ҳудудида бўлиб ўтди. Фестивални ўтказишдан асосий мақсад қадимий урф-одат ва аъналаримиз, миллий маданиятимиз ва санъатимизнинг турли йўналишлари билан халқимиз, кенг жамоатчилик, хорижий меҳмонларга яқиндан таништиришдан иборатдир.

гилочар тадбирлар ўтказилди.

Бизда ёрқин таассурот қолдирган тадбирлардан бири бўлган ўзбек миллий либосларининг намоиши

бўлди. Мен фестивалда устозим Мамлакат Эрматова раҳбарлигида тайёрлаган 200 тага яқин миллий кўғирчоқ ва юмшоқ ўйинчоқларим билан қатнашдим ва фестивалнинг энг фаол иштирокчиси деган дипломни олишга сазовор бўлдим.

Турли танловлар ғолибларига мукофот ва совринларни "Ўзбекистон маданияти ва санъати форуми" мамфармаси Васийлик Кенгаши раиси Гулнора Каримова итоптирар экан, фестивалнинг байрамона, юқори савияда ўтказилиши янгидан-янги ижодий

лойиҳалар, изланиш ва тадқиқотларни олиб бориш, бой маънавий меросимизни асраб авайлаш, Ватанимизнинг жаҳон ҳамжамиятидаги нуфузи ва обрўсини янада ошириш, ёшлар маънавиятини юксалтиришдек улғувор мақсадларга хизмат қилаётганини таъкидлади.

Мен Сармишсой маданият фестивалидан олган бой таассуротларимни институтимиз талаба-ёшларига хикоя қилиб берарканман, ўзимдаги билим ва тажрибаларимни янада бойитишга, янгидан-янги лойиҳаларни тайёрлаш ва амалга оширишга аҳд қилдим.

Махлиё НОРМУРОВОВА,  
Мақтабгача таълим йўналиши талабаси

Суратда: Махлиё Нормуродова ўзи тайёрлаган ва намоиш этган кўғирчоқлари билан.

## Асрлар садосидан даҳраманд бўлдик

Тарихимизнинг бебаҳо ёдгорликларини ўзида муҳасаммаст этган мазкур воҳа мамлакатимиз тарихига қизиқувчилар ва сайёҳларни жалб этиб келаётир. Соининг ички соҳилидаги қоятошларга ишланган ўн мингдан ортиқ петроглифлар аждодларимиз маданиятининг тарихини акс эттирган. Тош асрларда оловнинг кашф этилиши, ёввойи ҳайвонларни хонақиллаштириш даврлари, чорвачилик маданияти тарихи ва ов жараёнлари шулар жумласидандир. Тошлардаги суратларнинг маҳорат билан ишланганлиги юртимизда қадимдан санъат ва маданият юксак даражада ривожлан-

ганлигидан гувоҳлик беради.

Фестиваль учун хозирланган махсус расталарда мамлакатимизнинг турли ҳудудларидан келган халқ амалий санъати усталари, моҳир хунармандлар, уларнинг шогирдлари ўз ижод намуналарини томошабинлар эътиборига ҳавола этдилар. Сармишсой дарасида халқ сайллари, кўргазма-ярмаркалар, полвонлар кураши, миллий ўйинлар, фольклор жамоаларининг чиқишлари, бахшилар ихролари, лапар ва айтишувлар, ошпазлар мусобақалари каби кўплаб кўн-







# ЁШЛИК НАВОЛАРИ

## Ижодкор талабалар машқлари



### Жоним Ватан

Шонда кўём бошимга нурини сочар,  
Сахар чои шабнам юзини ювар,  
Поллар сенга ҳамроҳ бўлиб тўрт тарафдан,  
Кўйка етиб ҳақдан тинчликни сўрар.  
Дилда маҳнинг жо айлади жоним ватан,  
Яшнаиверсин икбол нуринг доим ватан.

Ҳар бир инсон пойишдамас осмонингда,  
Ҳил-қизинг ҳимоянда жон-жонингда,  
Буюкларнинг руҳи сенда мангу тирик,  
Яшаб юрар илм деган бўстонингда,  
Адолатлар порлоқ бўлсин сенда ватан,  
Минг буюклар фақат сендек ерда ватан,

Ҳар қарчин буркагандир оқ гулларга,  
Садоқатинг битилгандир пок дилларга,  
Ён атрофга меҳр нурин сочажаксан,  
Жондек дўстсан қардошлару чин элларга,  
Дўстлик ривож узилмасин ҳеч ҳам ватан,  
Яратганинги меҳри жиҳанга саждам ватан,

Сенда униб улғаяди ҳар бир гиёҳ,  
Капалаклар бағринг узра тоғай панох,  
Халқинг кўзи хурсандликдан чакнаб турар,  
Бор шодликлар сенда жамидур дунё ғубох,  
Дун келиб кўз очганим сенсан ватан,  
Бешигимда онам айтаган шеърсан ватан,

Дурдоналар ичра танҳо дурдонамсан,  
Доим гурур, ор номусим мардонамсан,  
Ҳар вақт дуо айлар бўлсам сени ўйлаб,  
Ҳақдан толе сўраганим бир донамсан,  
Истагани шу, сенга фидо бўлмоқ ватан,  
Сен яшансанг мен ҳам мангу ўйғоқ, ватан.  
**Улуғбек ТўЛАГАНОВ,**  
Инглиз тили йўналиши талабаси

### Мен ҳаётман

Мен ҳаётман, юрагимда, Вужудимда ҳаёт қайнар  
Мен булоқман кўпорилган туфроғимда ҳаёт қайнар  
Мен доламан яновимда, дудогимда ҳаёт қайнар  
Мен саҳроман тўзонимда, хуморимда ҳаёт қайнар  
Мен асарман сатрида, варагимда ҳаёт қайнар  
Яшалоқда ташна қалбим сўроғимда ҳаёт қайнар.

**Шаҳноза КАТТАБЕКОВА,**  
Педагогика-психология йўналиши талабаси

### Изтироб

Эшитилар ҳайқириқ ёки бир садо,  
Аслида кўнгилдан чиққан бу нидо,  
Кўнгилдан сўрайман ҳохлашин нени:  
"Биласан, қийнама ёримсиз мени!"

Ёр билар севишим, лек қийнар нега,  
Утади ёнимдам жонимга тегга,  
Қийнама жонгинам, севаман сени,  
Бераман борлигим хўрлама мени.

Шунча вақт кутдим мен, бўлмади фойда,  
Кўрардим аксингни ҳар тунда ойда,  
Билмадим нелардан, юрак бағринг қон,  
Лек мен алдамайман, сен менга шон.

Юрмагин жонгинам ўзгалар билан,  
Севсанг айт, севаман борлигим билан,  
Алдама, ёлгонга қолмади мадор,  
Бермагин қалбимга бешарфат озор.

Излагин Шохиринг, умидинг узма,  
Лек берсанг ваьдалар ҳеч қачон бузма.  
Шунда сен юргайсан очик ой юзма,  
Ҳеч қачон кўзингни ўзгага сузма...

**Акрам БОЙНАЗАРОВ,**  
Рус тили ва адабиёти йўналиши талабаси

### Муҳаббат

Юрагим эгаси ул шўхи малак,  
Дардларимни сира тушунмас фалак,  
Севги деб дунёда бўлдимку ҳалак,  
Муҳаббат қалбимни ярадинг сен.

Ул ёрни кўрганда кўнглим бўлар шод,  
Юрагим жиз этар, бўлади барбод,  
Дил асир бўлдики, қилолмам озод,  
Муҳаббат, қалбимни ярадинг сен.  
Муҳаббат келдингми, кетмагин сира,  
Барига тайёрман, майли жон сўра,  
Дилим ортобисан, сенисиз дил хира,  
Муҳаббат қалбимни ярадинг сен,  
Қалбим боғларига орадинг сен.

**Анвар ХАЙИТОВ,**  
Бошланғич таълим ва СТИ йўналиши талабаси



### Ўқувчининг янги китоби

Институтимиз қошидаги 2-сон академик лицей ўқувчиси, умидли ёш шоира Дилнавоз Абдуллаеваниннг илк китоби босмадан чиқди. "Сангзор наشريёти" томонидан chop этилган "Жилга" деб номланган мазкур тўпламдан Дилнавознинг Ватани, онани, ёшликни улугловчи шеърлари ўрин олган.

Ўзбекистонда хизмат кўрсатган маданият ходими, Ўзбекистон Ёзувчилар уюшмасининг аъзоси, таниқли адабиётшунос олим Ортиқбой Абдуллаевнинг сўз бошисада таъкидлаганидек, Дилнавоз илк шеърларидаёқ ўз сўзини айтишга, дунёни шоирона идрок этишга интилоқда. У самимий фикрларини образлар тилида ифодалашга, мисралар бағрига ўзига хос мазмун сингдиришга ҳаракат қилади.



**Баҳор** Чарх уради кўзимни дийёр,  
Йўлга гул тўлайди баҳор.

Кичиб келар ўлкама баҳор,  
Бойчаклар сочиб иборин,  
Тўзалми ажиб мафтўнкор,  
Сўйлаб берар баҳор изорин.  
Хавас ила ўйинг хўрчи,  
Шўх чаклар бўлиб интизор,  
Юртим баҳор кўзимни сена,  
Чиройидан сўзлайди тақдор.

Қизалдоқинг гўзал жамоси,  
Ром этар боғ-у роз, қирни,  
Сайраган чоғ қўллар нидоси,  
Чўлаб олар хўшқор ерни.  
Табиятнинг гўзал зарридан,  
Илдиз олар гуллар япроғи,  
Қизарган гул ортоб рангидан,  
Лола гулнинг юзи яноғи.

Бу дундан сўзларим биёр,  
Чиройидир юртим бетақор,  
**Зулфия ҚАМБАРОВА,**  
Мактабгача таълим йўналиши талабаси

### Армоним, мен нима қилай?

Аламим кўз ёшим селдай оқади,  
Ҳаёт намунча гаимин боқади.  
Менинг кўз ёшимларим нима қилади  
Армоним, мен сени нима қилайин?  
Кўзимда тоғли ёш йиғилиб қолди,  
Менинг нафратимни билмайин қолди.  
Ҳаёт синовини бошимга солди  
Армоним, мен сени нима қилайин?  
Сабр дейишади баъзи одамлар,  
Унинг чегараси бордур азимим.  
Тоқат дейишади баъзан одамлар,  
Армоним, мен сени нима қилайин?  
Кўз ёшим оқизма, оқизма зинҳор,  
Бу гапни айтаман такрор ва такрор.  
Менинг юрагимни тушунгин бир бор,  
Армоним, мен сени нима қилайин?  
Қадамим пойлама, юрма изимдан,  
Мендан қайгуларни ол, келма изимдан.  
Менинг тинчлигимни бузмагин зинҳор,  
Армоним, мен сени нима қилайин?  
Мен бугун бахтга қадам кўяман,  
Дунёда бахтиёр инсон бўламан,  
Мен энди доимо шундай юраман,  
Армоним, мен сени нима қилайин?

**Умида ЭРГАШЕВА,**  
Бошланғич таълим ва СТИ йўналиши талабаси

### Ошиқ

Кўриб сени эй малак,  
Тирифторинг бўлдим мен.  
Сени деб жоним ҳалак,  
Севган ёринг бўлай мен.  
Васфингда байтлар битай,  
Фозил кўнглинг олай деб.  
Севги шаробин тотай,  
Ошиқлик расми шу деб.  
Кўзларимга боқсанг гар,  
Ҳақиқатни кўрсан.  
Чин муҳаббатни магар,  
Фақат мендан топасан.  
**Соҳида АБДУЛҲАКИМОВА,**  
Бошланғич таълим ва СТИ йўналиши талабаси

Чорвадор қишлоғида Қосим бобо исмли қария яшарди. У уруш қатнашчиси. Урушда оёғидан ўк егани сабабли оқсоқлиб юрар, юзларидаги чандиқ эса унинг кўринишини янада "кўркам"роқ қилар эди.  
Бобо ёлғиз яшайди. Кампири икки йил олдин вафот этган. Ёлғизликдаги овуноғи китоб. Ёши бир жойга борганига қарамай кўп китоб ўқир, йўлда юрганда ғазалларни куйга солиб юрар эди.  
Қишлоқ болалари бобони кўриши билан унинг олдига югуриб келишар, бошларини бобога тутиб, черттириб, сўнг конфет-ширинликлар олиб бобонинг янги саргузаштларга бой ҳикояларини тинглашга тўпланишар эди. Бобонинг бу болалардан бошқа ёр-у биродарлари йўқ эди.  
Бир куни бобонинг ахволи

ёмонлашиб қолди. Буни кўрган болалар дарҳол бобони шифохонага олиб боришди. Ахволдан хабар олгани меҳрибон болажонлар мева-чева, нон олиб шифохона томон йўли олишди. "Одам тафтани одам олади" дегани шу бўлса керак, болаларни кўрганидан бобонинг юзига табассум югурди.  
Ун кун деганда шифохонадан чиқди. Яна унинг атрофида болалар парвона.  
Бир кун қишлоқ мактабига

бориб, энди кутубхона эшигини очадиганда, нодон ўқитувчининг болаларга:  
"Қосим бобонинг уйига бо-раверманглар, сизларга урушдаги воқеаларни айтиб онглирингни бузади" - деб гапирадиганини эшитиб қолди. Бобо шу заҳоти орқасига қарагунча кўзларида ёш билан мактабдан чиқиб кетди. Бу гаплар бобонинг кўнглига жуда оғир ботди. Уйга бориб ётиб қолди. Шундан кейин бобо ўрнидан турмади.  
Қосим бобони йиллар ўтиб халқ "Ватан фахрийси", болалар "Азиз устоз"имиз деб эсларди. Бобо ёди болаларнинг соф қалбига унитилмас хотира бўлиб қолди.  
**Гулчеҳра АБДУРАЗЗОҚОВА,**  
Зарбдор тумани қишлоқ хўжалик КХК ўқувчиси



**Зиё чашмаси**  
МУАССИС:  
Абдулла Қодирий номидаги Жиззах Давлат педагогика институти

**Бош муҳаррир Абдукарим ШАРИПОВ**

Редакцияга келган хатлар таҳлил этилмайди ва муаллифларга қайтарилмайди.

Муаллифлар фикри таҳририят нуқтаи назаридан фарқланиши мумкин.

Газета Жиззах вилояти Матбуот ва ахборот бошқармасида 2006 йил 26 декабрда 06-017 рақами билан рўйхатга олинган.

Босишга топширилган вақти — 19.00 Топширилди — 18.00 Навбатчи: К. Нуъмонова

Манзил: Ш. Рашидов шоҳ кўчаси, Абдулла Қодирий номидаги Жиззах Давлат педагогика институти.

«Jizzax-Print» bosmaxonasida chop etildi.  
**Korxona manzili:**  
Jizzax shahri, 130100.  
Sayiljoyi ko'chasi, 4-uy.

Офсет усулида 6250 нусхада босилди.  
Буюртма № . Shakti-A-3.